



ISUMAQATIGISSLUT

Sulinermik Inuussutissarsiateqartut Kattuffia

aamma

Arctic Prime Fisheries ApS-ip

akornanni

**Qaammamusialinnut aamma
nalunaaquittap akunnermusialinnut**

2022 - 2024

Imai

§ 1 - Isumaqtigiissummi pineqartut	4
§ 2 - Piffissaq suliffiusoq	4
§ 3 - Akissarsiat	5
§ 4 - Soraarnerussutisiassanut akiliutissat taakkualu akilerneqartarnerat	6
§ 5 - Qaangiuttoornerit aamma qaangiuttoornermut taarsiullugu sulinngiffeqarnerit.....	6
§ 6 - Sulartoqquneqarataarsinnaanermut tapisiat.....	8
§ 7 - Immikkut tapit.....	8
§ 8 - Sapaatini nalliuuttunilu tapisiat aamma nalliuuttuni ulluinnartigoortuni akissarsiat.....	8
§ 9 - Piffissamut suliffimmut nikisitaartumut aamma nikittaalluni sulinermut tapisiat.....	9
§ 10 - Atisat isumannaallisaatit il. il	10
§ 11 - Ukiut suliffiit malillugit akissarsiat qaffaatissaat.....	10
§ 12 - Nioqquissiorneq siuarsarniarlugu akissarsialersuineq.....	11
§ 13 - Suliamik unitsitsigallarneq	13
§ 14 - Assuarlersinnaatitaaneq	13
§ 15 - Akissarsiat tunniunneqartarnerat	14
§ 16 - Sulinngiffeqarneq sulinngiffeqarnersiutillu.....	14
§ 17 - Aningaasaateqarfiiit	15
QAAMMARSAANERMUT ILINNIARTITAANERMUT ANINGAASAATEQARFIK:.....	15
SULINNGIFFEQARNERMUT ANINGAASAATEQARFIK:	15
ISUMAGINNINNERMUT ANINGAASAATEQARFIK:	15
§ 18 - Toqukkut qimagaanersiutit	15
§ 19 - Meeqqap napparsimanerini sulinngikkallarneq.....	16
§ 20 - Meeqqap napparsimanerini sulinngikkallarnerit allat	16
§ 21 - Qinikkatut pisortanillu toqqakkatut suliassaqartitaaneq.....	17
§ 22 - Sulinngikkallarnerit immikkut ittut allat.....	18
§ 23 - Naartuneq, ernineq qitornavissiartaarnerlu	19
§ 24 - Piikkorissutsimut tapisiat	19
§ 25 - Ineqarneq.....	19
§ 26 - Atorfininnermi soraarnermilu akiliunneqarluni angalancerit.....	20

§ 27 - Napparsimaneq.....	21
§ 28 - Aaqqiaqiangissutit assigiinnngitsuliorlunilu soraarsitsinerit	23
§ 30 - Lærlingit ilinniartullu.....	24
§ 31 - Soraarniuteqarneq soraarsitsinerlu.....	24
§ 32 - Piffissaq isumaqatigiissutip atuuffia.	26

§ 1 - Isumaqtigiissummi pineqartut.

Stk. 1. Isumaqtigiissummi tassani pineqarput tunisassiornermi sulisut tamarmik, suleqatigiit siulersortaat kiisalu Laboratorieassistentit Arctic Prime Fisheries ApS-imi qaammamusiaqarlutik sulisunut.

Imm. 2. Atorfinititsaaneq pissaaq isumaqtigiissut nalinginnaasoq illua'tungeriinnit akuerisaq naapertorlgu. Isumaqtigiissut nalinginnaasoq isumaqtigiissut manna malillugu sulisunut tamanut atuuppoq.

Imm. 3. Isumaqtigiissut manna malillugu sulisut aalajaatsut imaluunniit pisortaasut naliliinerrat malillugu suliffimmut naleqaqisut neqeroorfigineqarsinnaapput aalajangersimasumik qaammamusialittut atorfinitsinneqarnissaannik. Nalunaaquattap-akunnermusiaqarnermit qaammamusiaqarnermut nuunnermi akissarsiat inissinneqarnerat tapisiallu nalunaaquattap-akunnermusiallit qaammammut nalinginnaasumik akissarsiarisartagaannit qaffasinnerusumik akissarsiaqataalissapput.

§ 2 - Piffissaq suliffiusoq.

Imm.1. Piffissaq suliffiusoq nalinginnaasoq sapaatip akunneranut nal. ak. 40-nik sivisusseqarpoq, agguaqatigiissitsinikkut naligalugit qaammamusialinnut qaammammut nal. ak. 173 1/3.

Imm. 2. Ullormut piffissap suliffiusussap iluani sulinngitsoornerit akissarsianit ilanngaatigineqartassapput. Akissarsianit ilanngaat tassaavoq sulisup pineqartup nalinginnaasumik nal. akunneranut akissarsiaa nal. akunnerani pineqartumi tapisiariunnagai ilanngullugit. Nal. akunnerata affaa angullugu sulinngitsoornerit nal. akunnerata affaatut naatsorsorneqassapput.

Imm. 3. Nalinginnaasumik piffissaq suliffiusoq ulluni 7-ni nal. akunnerinik 40-nik sivisussuseqarpoq ataasinngornermiit sapaat ilanngullugu naatsorsorneqartartoq. Allamik isumaqtigiissuteqartoqarsimatinnagu piffissaq suliffiusoq sapaatip-akunnerata ulluini siullerni 6-ini

inissinneqartassaaq nal. 06.00-imit nal. 17.00-imut aammalu, sapaatip akunnerani tulliuttumi tunisassiornerup aallartinneranut atatillugu sulinermi, sapaammi nal. 14.00-imit 23.00-imut. Sapaatip akunnerani ulluni arfineq-marlunni nalinginnaasumik ullaat marluk sulisartunut ataa-siakkaanut sulinngiffiupput.

Imm. 4. Piffissaq ullormut suliffiusartussaq sulisitsisumit aalajangersarneqartassaaq sulisartunik taakkualu sinniisaannik oqaloqatiginnereernikkut suliffimmut iluaqutaasussaq eqqarsaatigalugu.

§ 3 - Akissarsiat.

Imm. 1. Akissarsiat qaammammut, qaammamusialinnut imaapput:

	1. april 2022	1. april 2023
Qaammamusiallit	kr. qaammammut	kr. qaammammut
Nioqqutissiornermi sulisut	19.501,10	19.502,85

	1. april 2022	1. april 2023
Qaammamusiallit	kr. qaammammut	kr. qaammammut
Suleqatigiit siulersortaat aamma Laboratorieassistentit	21.234,40	21.236,15

Imm. 2. Akissarsiat nalunaaquttag akunnermut, nalunaaquttag akunnermusialinnut:

	1. april 2022	1. april 2023
Nalunaaquttag akunnermusiallit	kr. nal. akunneranut	kr. nal. akunneranut
Nioqqutissiornermi sulisut	108,08	109,83

	1. april 2022	1. april 2023
Nalunaaquttab akunnermusiallit	kr. nal. akunneranut	kr. nal. akunneranut
Suleqatigiit siulersortaat aamma Laboratorieassistentit	118,08	119,83

§ 4 - Soraarnerussutisiassanut akiliutissat taakkualu akilerneqartarnerat.

Imm. 1. Isumaqtigiissut manna malillugu sulisut soraarnerussutisiaqalernissamik aaqqissuussinermut 1. januaari 1994-imni pilersinneqartumut allatigullu SIK-mit atorneqartumut ilaapput.

Soraarnerussutisiassanut akiliutit naatsorsorneqassapput akissarsiat tamarmiusut, tassa boonusit/akkordernersiutillu, tapisiaajunnartut 1. aprili 2022-imit atuuttut ilanngullugit, tunngavigalugit:

Sulisitsisup akiliutissai: 7,0 %

Sulisup akiliutissai: 3,5 %

Katillugit: 10,5 %

Imm. 2. Soraarnerussutisiassat qaammammoortumik ataasiarluni SISA-mut akiliutigineqartasapput. Akiligassanngortinnejnarnerisa kingornatigut ulloq piffissaq eqqorlugu akiliiffiusussaq kingulleq tassaavoq qaammatip ulluisa qulingat.

§ 5 - Qaangiuttoornerit aamma qaangiuttoornermut taarsiullugu sulinngiffeqarnerit.

Imm. 1. Qaangiuttoorneq sapinngisamik pinngitsoorniarneqassaaq. Piffissap nalinginnaasumik suliffiusup, tak. § 2, imm. 1, saniatigut sulilluni qaangiuttoornerusussatut naalakkiutigineqartumik nakkutigineqartumillu sulilluni qaangiuttoornertut suliffiusumut nalunaaquttab

akunnermusiamut imaluunniit bonusimut/akkordimut tapisiaq naatsorsorneqartassaaq. Tapisiaq nalunaaquittap-akunnerinut tamanut § 3 tunngavigalugu nalunaaquittap-akunnermisiap 50%-erissavaa.

Imm. 2. Qaangiuttoornersiaqarnermut taarsiullugu sulinngiffeqartoqarsinnaavoq sulisartup sulsitsisullu isumaqtiginneratigut. Taamaalilluni qaangiuttoorsiaqarnissaraluamut taarsiullugu sulinngiffiqassapput nal. akunneri qaangiuttoorfiusut amerlaqataat 50%-inik ilallugit. Qaangiuttoornersiaqarnermut taarsiullugit sulinngiffiqassat katersorneqassapput nal. akunnerisa qaangiuttoorfiusut affaasa aallartinneri tamaasa.

Imm. 3. Qaangiuttoorneq sulinngiffeqaataassaaq/akilerneqassaaq aatsaat piffissami akissarsiaqarfiusumi piffissaq suliffiusoq naammassineqareerpat.

Imm. 4. Sulinermut piffissamit akissarsiaqarfiusumit sivikinnerusimasumut piffissaq suliuffiusoq nalinginnaasoq naatsorsorneqassaaq ullormut nal. ak. 8-tut, kisianni sapaatip akunneranut nal. ak. 40-tut.

Imm. 5. Sulilluni qaangiuttoornissaq suliffiup nalinginnaasup naanissaa nalunaaquittap-akunnerik 4-nik sioqqullugu nalunaarutigineqartassaaq. Sioqqustsilluni nalunaaruteqartoqarsi manngippat sulilluni qaangiuttoornermik ataatsimik sulilluni qaangiuttoornerpiat saniatigut akissarsitsisoqassaaq.

Imm. 6. Sulilluni qaangiuttoornernut ullup suliffiusup nalinginnaasup suliffissatut ileqqusu mik sivisussusia ikinnerpaamik nalunaaquittap akunnerinik 5-inik sinnerlugu sivisussuseqartunut, sulilluni qaangiuttoornerpiat qaavatigut sulilluni qaangiuttoornermik nal. ak. ataatsimik akissarsitsisoqassaaq.

Imm. 7. Sulisoq piffissap suliffiusup nalinginnaasup avataatigut suliartoqquneqarpat – sumiif fiup suliffiqisap qimanneqareerneratigut imaluunniit ulluni suliffiusussaanngikkaluartuni – ikinnerpaamik nalunaaquittap akunnerinut 4-nut akissarsitsisoqassaaq.

§ 6 - Suliartoqquneqarataarsinnaanermut tapisiat.

Sulisunut aqunneqarsinnaanngitsumik imaluunniit aqukkuminaatsumik qaangiuttoortartunut ukununnga taarsiullugu suliartoqquneqaratarsinnaanermut tapisisitsisoqarsinnaavoq:

1. Qaangiuttoornersiutinut § 5-imi taaneqartunut,
2. Sapaatini nalliuuttunilu sulinermi akissarsianut § 8-mi taaneqartunut,
3. Piffissani nikisitaartuni sulinermi tapisianut § 9-mi taaneqartunut.

Suliartoqquneratarsinnaanermut tapisiap angissusissaa illua'tungeriit isumaqatigiissuteqartartut isumaqatigiinniarnerisigut aalajangerneqassaaq.

§ 7 - Immikkut tapit.

Imm. 1. Pissutsini immikkut ittuni aammalu sulisitsisup sulisullu sinnisuata isumaqatigiinniarnerisigut sulisoq inummut namminermut tunngasumik tapisiaqartinneqarsinnaavoq.

Imm. 2. Isumaqatigiissutigineqartut SIK-mut ilisimatitsissutitut nassiunneqassapput.

§ 8 - Sapaatini nalliuuttunilu tapisiat aamma nalliuuttuni ulluinnartigoortuni akissarsiat.

Sapaatini nalliuuttunilu sulinermi nal. akunnermusiaq tapeqartinneqassaaq. Tapisiaq § 3 naaper-torlugu nal. akunneranut akissarsiap 50 %-erissavaa. Qaangiuttoorneruppat § 5 imm. 1 naaper-torlugu qaangiuttoornermut tapisisitsisoqassaaq imaluunniit qaangiuttoornersianut taarsiullugu sulinngiffeqartoqassalluni § 5 imm. 2 naapertorlugu.

Imm. 2. Nalliuuttuni ulluinnartigoortuni akissarsiaritinneqassapput:

- Nalliuuttuni ulluinnartigoortuni ullormut ilivitsumut: 275,00 kr.-it.
- Nalliuuttuni ulluinnartigoortuni ullormut affarmut: 137,50 kr.-it.

Imm. 3. Nallittuni aamma nallittuni ulluinnartigoortuni sulisunut akissarsititsisoqassaaq imm. 2 malillugu, aamma tunisassiorfilluunniit ulluni taakkunani matoqqatinneqassagaluarpat.

Imm. 4. Ullut nalliuuttutut naatsorsuutigineqartut tassaapput:

- a) Ukiortaaq, 1. januaari.
 - b) Kunngit pingasut (nal. 12 kingorna), 6. januaari
 - c) Sisamanngorneq illernartoq,
 - d) Tallimanngorneq tannaartoq,
 - e) Poorskip ullua Poorskllu aappaa,
 - f) Nunani tamalaani sulisartut ulluat 1. maaji (ulloq naallugu),
 - g) Tussiarfissuaq,
 - h) Qilaliarfik,
 - i) Pinsep aappaa
 - j) Kalaallit Nunaanni inuiattut ullorsiorneq, 21. juuni,
 - k) Juulliaraq, 24. decembari,
 - l) Juullip ullua, 25. decembari,
 - m) Juullip ulluisa aappaat, 26. decembari,
 - n) Ukiutoqaq, 31. decembari

§ 9 - Piffissamut suliffimmut nikisitaartumut aamma nikittaalluni sulinermut tapisiat.

Imm. 1. Piffissaq suliffiusussaq piffissat § 2 imm. 1-imi taaneqartut avataannut inissinne-qarpat, imaluunniit suleqatigiikkutaarluni nikittaalluni sulisoqarpat makkuninnga tapisia-qartitsisoqassaaq:

Imm. 2. Piffissami nikisitaartumi aamma nikittaalluni sulinermi qaangiuttoornerutillugu qaangiuttoornersianut taarsiullugu sulinngiffeqartitsisoqassaaq § 5 imm. 2 tunngavigalugu, imaluunniit qaangiuttoornersiaqartitsisoqassaaq § 5 imm. 1 tunngavigalugu.

Imm. 3. Nikittaalluni sulineq nangiinnarluni nikinnerit aappaannut pingajuannullu qaangiuttoornerutillugu imm. 1 tunngavigalugu nikittaannermi tapisiassat kingulliit aamma § 5 imm. 2 tunngavigalugu qaangiuttoornersianut taarsiullugu sulinngiffeqartitsineq pineqassapput, imaluunniit § 5 imm. 1 tunngavigalugu qaangiuttoornermut tapisisitsisoqassalluni.

§ 10 - Atisat isumannaallisaatit il. il.

Sulisitsisup sulisunut akeqanngitsumik atugassanngortissavai aaqqatit, kamippaat immikkut ittut, atisat oqorsaatit, saaliaqutit gummiusut il. il., isumannaatsuunissaq eqqiluisaarnissarlu pillugit atorneqartariaqartut.

§ 11 - Ukiut suliffiit malillugit akissarsiat affaatissaat.

Imm. 1. Qaammammusianut, taamattaarlu bonusianut, ilanngunneqassapput ukiut suliffiit malillugit akissarsiat affaatissaattut tapisiassat imaattut:

- | | | |
|----|--------------------------------------------------------------------------------------------------------------------------------------------|---------------|
| a) | Sulisartoq suliffinni isumaqatigiissutip matuma atuuffigisaani ataannartumik ukioq ataaseq sulisimappat taakkununngalu atassuteqarsimappat | 8,00 kr.-it. |
| b) | Ukiut 5-it sulereersimappat | 9,00 kr.-it. |
| c) | Ukiut 8-it sinnerlugit sulereersimappat | 10,00 kr.-it. |
| d) | Ukiut 12-it sulereersimappat | 11,00 kr.-it. |
| e) | Ukiut 15-it sinnerlugit sulereersimappat | 14,00 kr.-it. |

Imm. 2. Ukiut suliffiit malillugit akissarsiat affaatissaattut tapisiat tunniunneqartassapput suliffinni isumaqatigiissutip matuma atuuffigisaani sulisimaneq taakkununngalu atassuteqarsimaneq tunngavigalugu.

Imm. 3. Piffissami ataannartumik sulisimanermi imm. 1-imi taaneqartumi pineqarput sulisup su-liffimmi sulisimanera ataatsimut katillugu kiisalu piffissani sulisup sunniuteqarfingisinnasiman-ningisaanik nioqqutissiornermik unitsitsiffiusimasuni sulinngikkaluarluni suliffimmut atassuteqar-simanera. Atassuteqarnerup tamatuma kipineqarnissaa suliffimmit kissaatigineqarpat tamanna pissaaq § 32-mi – Soraarneq/Soraarsitsineq – aalajangersakkat malillugit.

Imm. 4. Sulitsisumi taannaasumi ataannartumik sulisimagaanni sulinngiffeqarnikkut, napparsi-manikkut, erninikkut qitornavissiartaarnikkullu kiisalu qinikkatut pisortanillu toqqakkatut sulias-saqartitaanikkut sulinngikkaluarluni ukiut suliffiit malillugit akissarsiat qaffaatissaat katersorne-qassapput.

Imm. 5. Isumaqatigiissut manna malillugu sulisunik atorfinitseqqinnermi ukiut suliffiit malil-lugit akissarsiat qaffaatissaannik siusinnerusukkut katersugarisimasat ilanngullugit naatsorsuuti-gineqassapput.

§ 12 - Nioqqutissiorneq siuarsarniarlugu akissarsialersuineq.

Imm. 1. Illua'tungeriit isumaqatigiissutigaat nioqqutissiorneq siuarsarniarlugu akissarsialersueri-aatsinik sapinngisamik annerpaamik atuisoqassasoq, pingaartumik bonusisitsisarneq akkorder-titsisarnerlu eqqarsaatigalugit. Bonusisitsisarneq/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aaqqissuussi-nermi atutissanersut.

Imm. 2. Bonusisitsisarneq akissarsissutissanik imaattunik katitigaassaaq:

- a) Akissarsiassaq aalajangersimasoq nal. akunneranut.
- b) Akissarsiassaq allanngorartoq (bonusitut tapisiaq) nioqqutissiornerulernermi nal. akunneranut atorneqartumut.

Imm. 3. Bonus/akkorderluni suliaqarnermi siumoortumik akissarsisitsisoqartassaaq sulisartup pineqartup § 3 naapertorlugu nal. akunneranut akissarsiassaasa amerlaqataannik, bonus/akkordimik suliat naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaanngikaangata. Taamatut siumoortumik akissarsiat bonus/akkordimik naatsorsuinerup naammassinerani ilanngaatigineqartassapput.

Imm. 4. Bonusinik aaqqissuussinerni aamma ataatsimoirluniakkordernerni, allamik isumaqati-giissuteqartoqarsimanngippat, bonusiassatakkordernersiassallu agguataarneqassapput nal. akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piumasaavoq suliap ajunngitsumik naammassi-neqarnissaa aammalu sakkut nalinginnaasut saniatigut atortussat sakkussallu pisariaqartut pi-areersimanissaat. Utaqqineq, atortussanik sakkussanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartoorneq sulisartut ataasiak-kaat nal. akunnermusiaannik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piumasaqarneratigut allanngortinneqarpat sulisartoq nal. akun-nermusiassaminik kiisalu sulinerup allanngortinneqarnerata kingunerisaanik sivitsortoornermut tapisiassaminik pisassaqartitaavoq.

Imm. 6. Teknikkikkut atortorissaarutit nutaat allalluunniit naatsorsuinermut tunngavissanik al-lanngortitsippata illua'tungeriit pisinnaatitaapput bonus/akkorderluni suliaqarnermut isu-maqatigiissutit isumaqatigiinniutigineqaqqinnissaannik piumasaqarnissaminnut. Isumaqatigiit-toqarsinnaanngippat isumaqatigiissut qaammatip ataatsip qaangiunnerani atorunnaartussan-ngerlugu nalunaarutigineqarsinnaavoq. Isumaqatigiissut atorunnaarpat suliassat pineqartut isumaqatigiissutit nalinginnaasut naapertorluginit nal. akunnermusiaqarluni suliassatut akissarsi-aqaatigineqalissapput.

Imm. 7. Misiligutaasunik nioqqutissiornerni atugassarititaasussanik allanik, aamma akissarsianik aalajangersaasarneq pillugu, isumaqatigiissuteqartoqarsinnaavoq isumaqatigiissutinit atuuttunit allaanerusunik.

Imm. 8. Bonusitsisarnerup siunertaraa sulisut naammassisaqarsinnaanerulernissaat. Piff-issaq akissarsiaqarfiusoq tamaat sulisup sulinngitsoorfigisimangippagu taanna bonusitisinneqassaaq. Bonusitsisarneq Protokollatimi immikkut ittumi aalajangersar-neqassaaq.

§ 13 - Suliamik unitsitsigallarneq.

Imm. 1. Sulisartoq sulinermi nalaani sila pissutigalugu unitsinneqartoq, allamillu suliassinne-qarsinnaanngitsoq, minnerpaamik ullormut nalinginnaasumik sulinermut akissarsiaqartinne-qassaaq, angerlartitaanera piffissap suliffiusup pisarnertut aallartinnerani pigaluarpannuunniit.

Imm. 2. Aalisakkerivinni sulisartut, piffissap suliffiusup nalinginnaasup aallartinnerani suliar-toqqaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, akilerneqassapput vagtplan malillugu.

§ 14 - Assuarlersinnaatitaaneq.

Imm. 1. SIK assuarlersinnaatitaavooq isumaqaruni sulisartut ulluinnarni piffissap suliffiusussap inisisimanissa aamma arfinningornermi sulinngiffeqartarnissamik aaqqissuuussinerit pillugit kissaatigisimasaat suliffeqarfimmut iluaqutaasusanut akornutaanngitsumik pinissaannik naammattumik tunngavilersorneqarsimangitsut.

Imm. 2. Nalornissutigineqalerpat sulisoq tapisianik §§ 5-imit 9-mut aamma 24-mi taaneqartunik tapisiaqartinneqarsinnaanersoq, sulisullu sinniisuat aqquqgalugu tamanna pillugu saaf-figinnissutit naammaginartumik angusaqarfiunngippata, suliassaq Tunngaviusumik Isu-maqatigiisummi malittarisassat naapertorlugit suliarineqassaaq.

§ 15 - Akissarsiat tunniunneqartarnerat.

Imm. 1. Piffissaq akissarsiaqarfiusoq:

Qaammammusialinnut: Qaammat ataaseq.

Nalunaaquttap akunnermusiallit: Ullunik 14-inik sivisussuseqarpoq, naatsorsorneqartassalluni ataasinngornermit sapaatip akunnerata tulliani sapaammut.

Akissarsiat tapiilu kingumut tunniunneqartassapput.

Imm. 2. Sulisartup aningaaserivimmi konto akissarsianik nakkartitsiviusinnaasoq nalunaarutigissavaa. Akissarsiassat tiguneqarsinnaalissapput piffissap akissarsiaqarfuiup naanerata kingornatigut tallimanngornermi.

Imm. 3. Akissarsiat ilaat allanngorartut, soorlu unnuarsiornermut tapisiat, qaangiuttoornersiutit il.il. akissarsiat tunniunneqarnerisa nalaanni atuuttut malillugit naatsorsorneqartarput. Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani akissarsisitsineqassaaq.

§ 16 - Sulinngiffeqarneq sulinngiffeqarnersiutillu.

Imm. 1. Sulisoq feeriарneq pillugu Inatsisartut inatsisaat nr. 10, 12. novembari 2001-imeersumi malittarisassat tunngavigalugit ukiumoortumik sulinngiffeqarnissaminnut pisinnaatiataffeqarpoq. Inatsisartut inatsisaanni § 2 naapertorlugu malittarisassat matuma kingulianiittut isumaqatigiissutaapput.

Imm. 2. Sulisartoq akissarsiarisimasami 12,5%-iinik sulinngiffeqarnersiutigisinnaasaminik katersissaaq.

Imm. 3. Sulinngiffeqarnersiutinik pisassanik piumasaqarneq sulisitsisumut saqqummiunneqassaaq kingusinnerpaamik ukiup sulinngiffeqarfuiup naaneraniit qaammatit pingasut qaangi-

utsinnagit. Taamaattoqarsimanngippat aningaasat SIK-p Sulinngiffeqarnermut Aningasaate-qarfianut ingerlatinneqassapput.

§ 17 - Aningasaateqarfiit.

Aningasaateqarfiit uku akiliuteqarfigineqassapput:

Qaammarsaanermut Ilanniartitaanermut aningasaateqarfik:

- Nal. ak. suliffiusumut ataatsimut 0,50 kr.-imik, 1. aprili 2022-imit atuutilersumik.

Sulinngiffeqarnermut aningasaateqarfik:

- Nal. ak. suliffiusumut ataatsimut 0,70 kr.-imik, 1. aprili 2022-imit atuutilersumik.

Isumaginninnermut aningasaateqarfik:

- Nal. ak. suliffiusumut ataatsimut 0,55 kr.-imik, 1. aprili 2022-imit atuutilersumik.

§ 18 - Toqukkut qimagaanersiutit.

Sulisartoq atorfegarnermi nalaani toquppat appaanut katissimasaanut imaluunniit qitornaa-nut 18-it inorlugit ukiulinnut qimagaasunut toqusup pilersugassarisimasaanut qimagaaner-siutit ataani allassimasut naapertorlugit tunniunneqassapput:

Suliffimmi ataatsimi sulisimagaanni:

Ukioq 1:..... Sap. ak. 4-ni akissarsiassat.

Ukiut 2:..... Sap. ak. 8-ni akissarsiassat.

Ukiut 5 sivisunerusumillu:... Sap. ak. 12-ini akissarsiassat.

§ 19 - Meeqqap napparsimanerini sulinngikkallarneq.

Imm. 1. Sulisoq piffissaq tamakkerlugu imaluunniit piffissap ilaannaani akissarsiaminik annaa-saqarnani sulinngikkallarsinnaatitaavoq meeqqap ukiukitsup napparsimanerani ulluni mar-lunni paarsinissaminut.

Imm. 3. Meeqqap napparsimanerini sulinnginneq napparsimanernik allattuiffimmi ilisimatitsis-sutigineqassaaq.

Imm. 4. Atornerluinermi aaqqissuussineq sulisunut ataasiakkaanut atortussajunnaarsinne-qarsinnaavoq.

Imm. 5. Nalunaaquttap akunnermusialinnut annaasaqaataanngitsumik sulinngikkallarneq akissarsissutaassaaq ullormi pineqartumi nalunaaquttap-akunneri suliffiusussat nalingin-naasut nalinginnaasumillu nalunaaquttap-akunneranut akissarsiat aallaavigalugit, tapisiallu aalajangersimasut ilanngullugit.

Imm. 6. Sulisut ukioq affaq sulereernerme qammatisiutit malillugit ukiumut ilivitsumut ul-unik isumaginnifinnik 2-nik pisinnaatitaapput.

§ 20 - Meeqqap napparsimanerini sulinngikkallarnerit allat.

Imm. 1. Meeqqap 0-imit 16-it angullugit ukiullip illoqarfimmi najukkami imaluunniit illoqarfimmi allami unittariaqalernerani sulisoq ullut 14-it tikillugit akissarsiaminik annaasaqarani sulinngikkallarnissaminut, meeqqap angerlarsimaffimmi, napparsimmavimmut unitsitaanerani Peqqinnissaqarfiup akiligaanik angalanermi ingiallortitut.

Imm. 2. Meeqqap napparsimavimmut unitsitaanera angajoqqaallu unitsitaaqataanerat ingiallortitullu angalaqataanerat upternarsarneqassapput.

Imm. 3. Immikkut illuinnartumik pissutissaqartillugu nakorsamillu uppernarsarneqarpat sulinngikkallarneq sivitsorneqarsinnaavoq ullut 5-it tikillugit.

§ 21 - Qinikkatut pisortanillu toqqakkatut suliassaqartitaaneq.

Imm. 1. Isumaqtigiissut manna tunngavigalugu sulisut pisariaqarnera tunngavigalugu akis-sarsiaqarnatik sulinngikkallarsinnaatitaapput makkuninnga suliaqarnissaq siunertaralugu:

- a) Inatsisartunut ilaasortaaneq.
- b) Kommunalbestyrelsimeut ilaasortaaneq.
- c) Ilagiit sinniisuinut ilaasortaaneq.
- d) Atuarfiit siulersuisuinut imaluunniit sunngiffimmi ataatsimiititaliamut ilaasortaaneq.
- e) Kredsdommeriuneq.
- f) Eqqartusseqataasartuuneq.
- g) Eqqartuussivimmi illersuisuuneq.
- h) Pisortanit suliassaqartitaanerit allat pisortanit SIK-p Peqatigiiifiini siulersuisuini ilaa-sortanut imaluunniit SIK-p siulersuisuunerini ilaasortanut aamma SIK-p Inuuusuttaasa siulersuisuinut suliakkiutigineqartut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiusussaagluartumi qaangiuttoornersiaqarfissaq sioqqullugu pisoq sumiginnaanertut isigneqassanngilaq. Suliffimmit qimagussimanissaq sapinngisamik sioqqutsilluarluni suli-sitsisumut nalunaarutigineqartassaaq.

Imm. 3. Pisortanit suliassaqartitaanerit allat pisortanit SIK-p Peqatigiiifiini siulersuisuni ilaa-sortanut imaluunniit SIK-p siulersuisuunerini ilaasortanut aamma SIK-p Inuuusuttaasa siuler-suisuinut suliakkiutigineqartut allaffissornikkut suliarineqassapput aalajangersakkatut imm. 1-imi 2-milu taaneqartutut.

Imm. 4. SIK-p siulersuisuunerinut, SIK-p Inuuusuttaasa siulersuisuinut aamma SIK-p Peqatigi-iffisa siulersuisuinut ilaasortat SIK-p Ataatsimeersuarnerinut Nakkutilliisoqarfiullu ataatsimi-

innerinut peqataanerminnut atatillugu akissarsiaqarlutik sulinngissinnaatitaapput amerlan-erpaamik ukiumut sisamarlarlutik.

Imm. 5. SIK-p Peqatigiiffini siulersuisunut aamma SIK-p siulersuisuunerinut SIK-llu Inuuustaasa siulersuisuunerinut ilaasortat akissarsiaqarnatik sulinngikkallarnissartik kis-saatigipassuk tamanna akuerineqartariaqarpoq. Taamatut sulinngikkallartitsisoqarsin-naavoq ukiut ataasiakkaarlugit sivisussusilimmik.

§ 22 - Sulinngikkallarnerit immikkut ittut allat.

Imm. 1. Sulisut ilaqtuttamik qanigisamik perulullutik napparsimanageranni aamma/imaluunniit ilisaaneranni akiliunneqarlutik angalasinnaatitaapput nalinginnaasumillu akissarsiatik pigiinnarlugit sulinngikkallarsinnaatitaallutik malittarisassat matuma kinguliiniittut naapertorlugit:

Sulisunut ikinnerpaamik ukiup affaani suliffeqarfimmi sulisooreersimasunut qinnuteqaate-qareernikkut ilaqtatt qanigisat perulullutik napparsimanageranni aamma/imaluunniit ilisaaneranni akissarsiatik nalinginnaasut pigiinnarlugit sulinngikkallarsinnaatitaapput ulluni suliffiusuni 8-ni. Taamatuttaaq angalanermut akiliussisoqassaaq ilaqtatt qanigisat perulullutik napparsimanageranni aamma/imaluunniit ilisaaneranni, ilisineq Kalaallit Nunaanni illoqarfimmi nunaqarfimmiluunniit allami imaluunniit Danmarkimi pisussaappat. Sulinngikkallarnernut siuliini taaneqartunut nalinginnaasumik angalanerup sivisussusia ilangunneqartassaaq.

Imm. 2. Sulinngikkallarnissamik aamma akiliunneqarluni angalanissamik qinnuteqaat allagan-ngorlugu sulisitsisumut tunniunneqassaaq.

Imm. 3. Ilaqtatt qanigisat tassaapput angajoqqaat, aappat katissimasat taamatulluunniit naatsorsuussat, qitornat qatanngutillu, kisianni aapparisap katissimasap taamatulluunniit naatsorsuussap ilaqtai pinnagit.

§ 23 - Naartuneq, ernineq qitornavissiartaarnerlu.

Sulisoq akissarsiani pigiinnarlugit naartunermi, ernereernerup kingorna, qitornavissiartaarnermut atatillugu sulinngiffeqarsinnaatitaavoq naartunermi, ernereernerup kingorna qitornavissiartaarnermilu Inatsisartut inatsisaat qaqqagumulluunniit atuuttoq naapertorlugu.

§ 24 - Pikkorissutsimut tapisiat.

Imm. 1. Isumaqatigiissut manna tunngavigalugu atorfinitssinnejarsimasunut pikkorissutsimut tapisiaqartitsisoqarsinnaavoq ataatsimik arlalinnilluunniit.

Imm. 2. Tapisiat sulisunut suliqatigut pikkorissutsikkullu imaluunniit allatigut immikkut inissimasunut tunniunneqartassapput, taamatut inissisimaneq isumaqatigiisummi matumani nalinginnaasumik tunngaviusuni akissarsiatigut taaneqartunut il.il. ilaatinneqanngippat.

Imm. 3. Tapisiat tunniunneqassapput suliffiup sulisullu sinnisaata isumaqatigiinniarneratigut.

Imm. 4. Isumaqatigiissutigineqartut SIK-mut ilisimatitsissutitut nassiunneqassapput.

§ 25 - Ineqarneq.

Imm. 1. Atorfinnik inuttassarsiuussinerni ineqarneq pillugu makku nalunaarneqartassapput:

- a) inissaqartitsisoqartoq malittarisassat qaqqagukkulluunniit atuuttut naapertorlugin, imaluunniit
- b) inissaqartitsisoqanngitsoq, imaluunniit
- c) atorfimmun atatillugu pisussaaffeqartoq suliffimmun atatillugu inigisa-saatitaasumik ineqarnissamut.

Imm. 2. Atorfinitssinnejartup inissiaq innersuunneqartoq najugariumanngippagu inissiamik allamik innersuussisoqarsinnaanngilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartarpooq Namminersorlutik Oqartussat inissaataanni ineqarnermut akiliuteqartarnermut malittarisassat qaqgukkulluunniit atuuttut naapertorlugit. Inissiamik innersuunneqartumik sumiginnasoqarpat anisitaanermik kinguneqartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu atorfimmun atatillugu inigisassaaitaasumik ineqarnermut akiliuteqartassappat malittarisassat tjenestemandinut Namminersorlutik Oqartussani kommuninilu sulisunut qaqgukkulluunniit atuuttut naapertorlugit, isumaqatigiisutnik takussutissami immikkoortumi allassimasut naapertorlugit.

§ 26 - Atorfininnermi soraarnermilu akiliunneqarluni angalanerit.

Imm. 1. Atorfininnermi Danmarkimi Kalaallit Nunaanniluunniit angerlarsimaffigisap sulfefeqarfigisallu akornanni akiliunneqarluni angalatitsisoqassaaq inuttassarsiuussilluni allagarsiussaq naapertorlugu inissaqartitsisoqarpat imaluunniit atorfimmun atatillugu inigisasaaitaasumik najugaqarnissaq pisussaaffiuppat, tak. § 25, imm. 1, a aamma c).

Imm. 2. Akiliunneqarluni atorfininnermi angalanermut aamma ilaatinneqarput atorfeqartup apparisaa katissimasaq imaluunniit tamatumunnga naligititaasoq kiisalu meerai 18-it inorlugit ukiullit. Taama ilaqtariit akiliunneqarlutik angalanerat sapinngisamik ataatsimoorluni ingerlanniarneqartassaaq.

Imm. 3. Taama akiliunneqarluni atorfininnermi angalaneq inummut namminermuinnaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartisissutigineqarsinnaanngilaq.

Imm. 4. Atorfininninnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni tamanut angallassissutit atorlugit akikinnerpaamik angallanneqarnermut aningaasartuutit uppernarsarneqarsinnaasut. Allatut angalasoqartillugu najukkap aamma Kastrup Lufthavnip akornanni tamanut angallassissutit atorlugit angallanneqarnermut akikinnerpaamik aningaasartuutit matussuserneqartassapput.

Imm. 6. Københavnnimiinnermi aningaasartuutaajunnartut atorfeqartup nammineq akilissavai.

Imm. 7. Kalaallit Nunaanni namminermi atorfininnermut atatillugu akiliunneqarluni angalamerri taamaallaat matussuserneqartassapput najukkap atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutigisimasat uppernarsarneqarsinnaasut.

Imm. 8. Atorfininnermi pigisat assartorneqassapput malittarisassat tjenestemandinut Namminersorlutik Oqartussani kommuninilu atorfilinnut qaqugukkulluunniit atuuttut isumaqatigiissutinik takussutissiami immikkoortumi allassimasut naapertorlugit.

§ 27 - Napparsimaneq.

Imm. 1. Sulisoq napparsimanini pissutigalugu suliamnik ingerlatsisinnaajunnaarpat pissuteqvilluni sulinnginnertut tamanna naatsorsuunneqassaaq. Pissuteqvillunili sulinnginnertut naatsorsuunneqarsinnaanngilaq sulisoq sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpat sulilernerminiluunniit peqquserlunnikut nappaateqarnini nipangiussimappagu.

Imm. 2. Qaammammusialinni sulisoq qaammatini malittuinnarni 12-ini katillugit ulluni 120-ni napparsimanermini akissarsiaqarsimappat, qaammatip naaneranut ima siumut ilisimatitsereerluni soraarsitsisoqarsinnaavoq:

Suliffeqarfimmi ataatsimi:

- | | | |
|----------------------------------------------------|-----------|----|
| - ukiuni 0 - 5 atorfeqareernermermi: | qaammat | 1. |
| - ukiuni 6 - 8 atorfeqareernermermi: | qaammatit | 3. |
| - ukiuni 9 sivisunerusumillu atorfeqareernermermi: | qaammatit | 4. |

Soraarsitsineq aatsaat atuussinnaavoq ullut 120-t pineqartut qaangiunnerannut tunngas-suteqarpat aammalu akissarsialik suli napparsimappat. Soraarsitsinerulli atuunnissaanut apeqqutassanngilaq pineqartup soraarsinneqarnerminik nalunaarfigineqarnermermi kingornati-gut suleqqilereersimanera.

Imm. 3. Imm. 2-mi aalajangersagaq naapertorlugu atorfeqarneq atorunnaarsimappat ator-finitsetseqqinneaq aatsaat pisinnaasariaqarpoq pineqartoq sulisinnaaqqilerpat aammalu su-liffimmi pineqartumi sulisussanik pineqartunik suli atorfissaqartitsisoqarpat.

Imm. 4. Sulisut nalunaaquttag akunnermusiallit piffissaq tamaat sulisut SIK-mullu ilaasor-taasut napparsimanerminni ullormusiaqartinneqassapput, taakku napparsimalinnginnerminni ulluni ikinnerpaamik 30-ni atasuinnarmik sulisuuismappata, imatut:

Imm. 5. Ullormusiaqartitsisoqassaaq ulloq sulisinnaanngiffik siulleq aallarnerfigalugu. Sa-paatip akunneranut ulla arfinillit (6) ullormusiaqartitsiffiussapput. Ullormusiaqartitsisoqar-sinnaavoq sivisunerpaaamik sapaatip akunnerini 26-ni qaammatit tulleriiginnaat 12-it iluanni. Sulisinnaannginnerli sulinerup nalaani ajutoorermik pissuteqarpat ullormusiaqartitseqqitto-qarsinnaavoq suli sapaatip-akunnerini 13-inik ilallugit.

Imm. 6. Ullormusiaqartitsineq unissaaq ullormi sulisup sulisinnaaleqqiffiani, sulisoq inger-laannaq sulilinngikkaluarpalluunniit, aammalu sulisoq peqqissinerminik nalunaaruteqanngik-kaluarpalluunniit. Ullormusiaqartitsinerli nangissaaq sulisup sulisinnaaleqqikkaluarluni su-liffimmi najugaqarfia qimallugu napparsimanermini katsorsartereerluni aqqutissaq piler-tornerpaaq atorlugu suliffiminut uternissaata tungaanut.

Imm. 7. Napparsimanerup nalaani soraarsitaanermi ulloq suliunnaarfissaq tikillugu ullormusi-aqartitaasinnaaneq atuutissaaq.

Imm. 8. Ullormusiat kr. 150,00-iupput, piffissamilu akissarsiorfimmi akissarsianut ilanggullugit SIK-mut ilaasortaasunut tunniunneqartassallutik.

Qaammammusialinnut aamma nalunaaquttap akunnermusialinnut:

Imm. 9. Napparsimalluni sulinngitsoornerup nakorsamit uppermarsaaserneqarnissaa piumasarineqarsinnaavoq. Nakorsamit uppermarsaatit piumasarineqartut sulisitsisumit akilerneqassapput.

Imm. 10. Suliartoreernerup kingorna nakorsiarneq, kingusiarneq, meeqqanilluunniit nakorsiaassineq tiimeqaataassaaq.

Imm. 11. Atornerluisoqarpat aaqqissuussinerit pineqartut sulisunut ataasiakkaanut tunngatillugit atorunnaarsinneqarsinnaapput.

§ 28 - Aaqqiagiinngissutit assigiinngitsuliorlunilu soraarsitsinerit.

Imm. 1. Aaqqiagiinngissutit Grønlands Erhverv-ip (GE) aamma Sulinermik Inuussutissarsiuteqartut Kattuffiata (SIK) Tunngaviusumik Isumaqtigisiuttaanni malittarisassat atuuttut naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliortoqassanngilaq. Tamanna pillugu aaqqiagiinngissutit Tunngaviusumik Isumaqtigisummi malittarisassat qulaani taaneqartut naapertorlugit suliarineqartassapput.

§ 29 - Sulisut sinniisaat pillugit malittarisassat.

Isumaqtigisiut manna malillugu sulisuuusut sulisut sinniisaat pillugit Grønlands Erhverv-ip (GE) aamma Sulinermik Inuussutissarsiuteqartut Kattuffiata (SIK) isumaqtigisiuttaannut qaqugukkulluunniit atuuttumut ilaapput.

§ 30 - Lærlingit ilinniartullu.

Lærlingit ilinniartullu Naalakkersuisut aamma Sulinermik Inuussutissarsiuteqartut Kattuffiata isumaqatigiissutaannut qaqugukkulluunniit atuuttumut ilaapput.

§ 31 - Soraarniuteqarneq soraarsitsinerlu.

Qaammamusialinnut:

Imm. 1. Atorfillit, isumaqatigiissut taanna malillugu atorfeqartinneqartut, atorfillit pillugit inatsit naapertorlugu soraarsitsinissamut ilimasaaruteqartarneq pisassaaq. Atorfeqarnermi qaamatini siullerni pingasuni atuuppoq ilisimatitsereertarnissamik malittarisassaq manna: Sulisitsisoq soraarsitsissaaq sulisorlu soraarniuteqassalluni tamarmik ullunik 8-nik (ullut su- liffiusut 5-it) siumut ilisimatitsereerlutik ullormi sumiluunniit.

Imm. 2. Qaamatini pingasuni atorfeqareersut eqqarsaatigalugit sulisitsisup soraarsitsinairnermik siumut ilisimatitsereertarnissaanut uku atuupput:

- atorfininnerup kingorna qaamatini arfinilinni siullerni qaammammik ataatsimik ilisimatitsereerluni qaamatip naaneranut,
- atorfininnerup kingorna qaamatit arfinillit kingorna qaamatinik pingasunik ilisimatitsereerluni qaamatip naaneranut,
- tamatuma kingorna ukiut atorfeqarnerit pingasukkaarlugit siumut ilisimatitsereerluni soraarsitsisinnaanerit qaammammik ataatsimik ilaneqartassapput, annerpaamilii qaamatini arfinilinni.

Imm. 3. Qaamatini pingasuni atorfeqareersut eqqarsaatigalugit sulisup soraarniarnerminik siumut ilisimatitsereertarnissaanut uku atuupput:

- Qaammammik ataatsimik ilisimatitsereerluni qaamatip naaneranut.

Nalunaaquttap akunnermusialinnut:

Imm. 4. Sulisartoq atorfilittut atorfeqanngitsoq, soraarsitsinissamut ilimasaaruteqarnissamut makku atuupput: Atorfeqarnermi qaammammi siullermi sulisitsisoq sulisartorluunniit pisussaatitaanngillat atorfeqarnermik unitsitsinissamut tunngatillugu siumut ilisimatitsereernissamut.

Imm. 5. Tunisassiornermi sulisunut atuupput soraarsitsinissamik/soraarnissamik siumut ilisimatitsereernissamut piffissaritat uku:

Nalunaaquttap-akunnermusialinnut.	<u>Sulisitsisumit:</u>	<u>Sulisartumit:</u>
ukumi siullermi (qaammat siulleq pinnagu)	Sap. ak. 2	Ullut 3-it.
ukiuni 2-mi, 3-mi, 4-mi 5-imilu:	Sap. ak. 4	Sap.ak. 2-it.
Kingornatigut:	Sap. ak. 6	Sap.ak. 3-it.

Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

Imm. 6. Soraarniuteqarnermut/soraarsitsinermut siumoortumik nalunaaruteqarnissamut piffissarititaasut imm. 2-miittut sulisunut suliffeqarfimmi ataatsimi kipisaqattaanngitsumik suliffeqarsimasunut atuupput. Pissutsilli makku kipititsisutut naatsorsuunneqanngillat:

- a) Napparsimaneq erngerluni kingusinnerpaamillu nalunaaquttap-akunnerisa 24-t qaangiutinnginneranni suliffimmut nalunaarutigineqartoq,
- b) Naartuneq, ernineq qitornavissiartaarnerlu pillugit Inatsisartut inatsisaat naapertorlugu sulinnginneq.
- c) Suliamik unitsitsineq silamik, maskiinat uninnerannik, atortussanik amigaateqalerner mik, assigisaanniluunniit pissuteqartoq, sulisoq neqeroorfigineqarluni suleqqilersimappat.

Imm. 7. Soraarniarnermik soraarsitsinermillu piffissaliussaq atorunnaassaaq sulisartup paarsinerunneratigut imaluunniit maskinap uninneratigut suliassaarunnermi, atortussanik

amigaateqalernermi allatullu siumut naatsorsuutigineqareersinnaanngitsumik ingerlatsineq tamakkiisumik ilaannakortumilluunniit unippat.

Qaammammusialinnut aamma nalunaaquttap akunnermusialinnut:

Imm. 8. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 32 - Piffissaq isumaqatigiissutip atuuffia.

Sumiiffimmi isumaqatigiissut manna atuutilissaaq 1. aprili 2022.

Isumaqatigiissut illua'tungeriinnit tamanit atorunnaarsinneqarsinnaavoq marsip 31-anut qaammatinik pingasunik siumut ilisimatitsereerluni, siusinnerpaamilli 31. marsi 2024.

Nuuk, ulloq 14. November 2022

Sulinermik Inuussutissarsiuteqartut Kattuffiat

Arctic Prime Fisheries ApS

Jokum Zeeb

Hentzar Petersen

Forbundets næstformand

Direktør